



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Petri Ribadeneiræ, Societatis Iesv Presbyteri, De
Tribulationibus huius seculi Libri Duo**

Ribadeneyra, Pedro de

Coloniae, 1604

X. De effectibus quos tribulatio operatur in malis.

[urn:nbn:de:hbz:466:1-50340](https://nbn-resolving.org/urn:nbn:de:hbz:466:1-50340)

LIBER PRIMVS. 611

& probatio certissima fidelium seruatorū
 Dei. Nam sicut pacis tempore Rex aut
 Princeps quispiam suū erga milites
 (gratificando scilicet & debita eis stipen-
 dia soluendo) declarat affectum; milites
 vicissim fortiter in prælio pro Rege pu-
 gnantes ac morientes quantoperè eum
 diligant, ostendunt: ita etiam prosperita-
 te & consolatione durante, cœlestis Rex
 suū quem erga nos habet amorem ma-
 nifestare solet, vt & nos contrā in tribu-
 latione existentes demonstramus, quā
 vel quantā ipsum dilectione prosequa-
 mur.

CAPVT X.

DE EFFECTIBVS QVOS TRI-
bulatio operatur in malis.

Quemadmodū tribulatio purgat,
 illuminat, & perfectos efficit iu-
 stos, mirabilesque in eis patientiæ, humi-
 litatis ac confidetiæ fructus producit; pa-
 ri ratione contraria hisce virtutibus vi-
 tia in malis atq; peruersis operatur. Nam
 sicut sub vno igne (ait S. Augustinus) au- *Lib. 1. de ci-*
 rum rutilat, palea fumat, & sub eadem *uit. Dei. 8.*
 tribula stipulæ comminuūtur, frumenta
 purgantur: nec ideò cum oleo amurca
 confunditur, quia eodem præli pondere

C. 71

expi-

*Lib. de bo-
no patient.*

exprimitur : ita vna eademque vis irruēs bonos probat, purificat, eliquat : malos damnat, vastat, exterminat. Et D. Cyprianus inquit : Deus nobis immittit dolores ad nos probandum & tentandum, & exercet nos per plurimas poenas & tentationes, per amissionem bonorum, per ignem, per dolores vulnerum & læsionum, per mortem amicorum & familiarium. Nullâ re melius cuiusq; conditio cognoscitur, & differentia quæ est inter iustos & peccatores, quàm tribulationis tempore : quia peccator deplorat & blasphemat per impatientiam, iustus autem voluntariè sustinet ob maius bonum. In

Eccles. 2.

Ecclesiastico quoque legitur : Omne quod tibi applicitum fuerit, accipe : & in dolore sustine, & in humilitate tua patientiam habe : quoniam in igne probatur aurum & argentum, homines verò reprobos in camino humiliationis.

Exodi 12.

Quapropter quod fugientibus Israëlitis per medium sicci maris, aquæ fuerunt quasi murus à dextris & sinistris, Aegyptios autem omnes operuerunt ; haud aliud indicat, quàm tribulationis fluctus tutelam & custodiam esse bonorum, poenam & tormētum impiorum. nam quia inermes patientiæ gubernaculo, cæterarumque virtutum armis & iustorum præ-

fidijs

fidijs destituti sunt, idcirco in turbulento
 hoc tribulationis pelago nauigantes, in
 periculosissimos iracundiæ, blasphemie,
 pusillanimitatis ac desperationis scopu-
 los incidunt. Hinc iam de prouidentia
 Dei dubitare incipiunt, & derelictos se à
 Domino, nec vllam ei de nobis curam
 esse arbitantes, dicunt cum Gedeone: *Si Iud. 6.*
Dominus nobiscum est, cur apprehenderunt
nos hæc omnia? Si Deus me genuit, cur me
 ita affligit? quare calamitatibus meis non
 succurrit? quare me à pœnis & doloribus
 diuturnis non liberat aut præseruat? Igi-
 tur quoniam nullum à Domino sperant
 auxilium, cõuertuntur ad magos, vene-
 ficos, incantatores, & similes istius fari-
 næ homines cum diabolo pactum habē-
 tes, adeoque in ipsum Diabolum sæpè
 incidentes, existimant ab illo se consecu-
 turos, quod à Deo obtinere minimè po-
 tuerunt. Vnde iurant, blasphemant, ac
 detestantur Deum, sequentes diabolum,
 & stultum importunæ mulieris consili-
 um vxoris Sancti Iob, quæ domesticis
 expugnata miserijs dicebat marito:
Adhuc tu permanes in simplicitate tua? bene- Iob 2.
dic Deo, & morere. Qui ait ad illam: Quasi
una de stultis mulieribus locuta es: si bona
suscepimus de manu Dei, mala quare non su-
stineamus?

Repe-

DE TRIBVLATIONE

Rèperiuntur (proh dolor) Christiani, qui aliquantulum afflicti, parentibus suis maledicunt, absque necessitate festiuis diebus operantur, aliena rapiunt, veritatem pecunia vendunt, causis iniustis patrocinantur, falsa testantur, magistratui se opponunt, superioribus obloquuntur, & lingua sua tanquam nouacula acuta proximi famam præscindunt, denique quasi homines beluarum more sine Deo viuentes, pro eo quod delictorum suorum culpam agnoscere, veniam petere, & iratum Deum placare deberent, accumulât peccata, & prouocant iram: quare exacerbatus Deus amplificat ærumnas, multiplicat pœnas, auget vindictam, quemadmodum facturum se Israëlitis antiquitus minatur, dicens: *Quod si non audieritis me, nec feceritis omnia mādata mea, sed spreueritis leges meas, & iudicia mea contempseritis, ut non faciatis ea, quæ à me constituta sunt, & ad irritum perducatis pactum meum: ego quoque hæc faciam vobis. Visitabo vos velociter in egestate, & ardore, qui conficiat oculos vestros, & consumat animas vestras. Frustra seretis sementem, quæ ab hostibus deuorabitur. Ponam faciem meam contra vos, & corruetis coram hostibus vestris, & subijciemini his qui oderunt vos. Non erit vobis nemo persequente. Sin autem nec sc-*

Leuit. 26.

obedi-

obedieritis mihi, addā correptiones vestras
septuplum propter peccata vestra, & conte-
ram superbiam duritiæ vestræ. Daboque vo-
bis cælum desuper sicut ferrum, & terram æ-
neam. Consumetur incassum labor vester, nō
proferet terra germen: nec arbores poma præ-
bebunt, &c. quæ sequuntur.

Ecce quot & quanta nobis flagella
Deus minetur, & tamen nisi vel istis ab
impietate conuersi fuerimus, alias nobis
pœnas immissurus est multò horribilio-
res. Quare de obstinatis ac pertinaciter
in malitia sua persistentibus Propheta
Ieremias inquit: Percussisti eos, & non de-
luerunt: attriuisisti eos & renuerunt accipe-
re disciplinam. Et alibi: Interfeci & disper-
didi populum meum, & tamen in vijs suis nō
sunt conuersi. Et iterum: Curauimus Baby-
lonem, & non est sanata.

Ierem. 5.

Ierem. 15.

Cap. 51.

Sed siue à malitia sua conuertatur, si-
ue puniatur impius, attamen Deus in tri-
bulationibus glorificandus est, semper-
que utilitatem aliquam ex iisdem conse-
quitur, vel exercendo iustitiam, vel ma-
nifestando suam misericordiam. Etsi e-
nim Peccator miserijs exacerbatus lamē-
tetur, desperet, blasphemet, detestetur ac
maledicat Deum; à plurimis tamen alijs
criminibus præseruatur, in quæ absque
dubio præceps rueret, si prosperè ei cun-

sta.

eta succederent, quia prosperitas voluptatum mater est, genitrix otij, ingluuici, luxuriæ, superbiæ, aliorumque similium flagitiorum; vnde licet improbi in afflictione sua Deum offendant, multa tamen alia delicta euitant, quæ cõmitterent, si maiori fœlicitate vterentur.

Adhæc etiam tribulatio diuinæ prouidentia detegit thesaurum, nam si quis fastidiosorum diuitum, aut potentium prælatorum de throno maiestatis suæ proiectus, tantam incurrat paupertatem, vt eorum etiam, quos antea ne aspicere quidem dignabatur, gratiam & auxilium implorare cogatur; tandem propria calamitate edoctus cognoscit ac profiteatur, aliquem esse Deum qui hominum curam gerat, & non tantum bonos remuneret in futuro, verum etiam malos puniat in hoc sæculo: ideoque accidit, vt impiorum aliqui aliena damna & pericula considerantes, semitas iustorum apprehendant, iusti autem in innocentia & bonitate sua confirmentur. Quemadmodum enim iudex quispiam malefactorẽ quem vinctum tenet, mortem commemuisse dolet, & tamen nihilominus (quia iustitia exigit vt ad cautelam & exemplũ reliquorum capitali sententia feriat) morti eum adiudicat, atq; ipsis nundinis
iam

iam vndique populis concurrentibus suspendi iubet: simili planè modo Deus postquam diu vitia & impietates hominis patienter sustinuit, tandem subito & ex improviso in tribulationes varias eum labi permittit, vt fabula sit toti mundo.

Denique in hoc correctionis genere manifestatur bonitas Dei, eo scilicet modo, quo Sol radiorum suorum vim atque virtutem declarat, quando homo ex visus sui debilitate intueri illum non potest. Nam sicuti lumen sanis oculis gratum est, nocet autem & obest infirmis: ita lætantur & exultant hi, quorum oculi clari ac nitidi sunt ad videndum in tribulationibus suis diuinæ misericordiæ lumē, agnoscentes paterna hac correctione se à peccatis liberari; contra verò, quia impij, densissimis circumdati tenebris lumē illud claritatis supremæ contemplari nequeunt, indiesque magis ac magis excæcati à Deo desciscunt, & aduersus ipsam insurgunt, idcirco seuerius eos punit & castigat, vti Iob attestatur dicens: *Cunctis diebus suis impius superbit, & numerus annorum incertus est tyrannidis eius. Sonitus terroris sæper in auribus illius: & cū pax sit, ille sæper insidias suspicatur. Terrebit eum tribulatio et angustia vallabit eum, sicut regem qui præparatur ad præ-*

ad præ-

ad praelium. Tetendit enim aduersus Deum
manum suam, & contra omnipotentem ro-
boratus est. Cucurrit aduersus eum erecto col-
lo, & pingui ceruice armatus est. Quam-
obrem Deus aggrauat manum suam, cō-
figit & præcipitat peccatorem cum vo-
luptatibus suis, circumdat & coangustat
eum vndique, vt agnoscat ipsum, & eidē
se submittat atque subijciat, quod si in
malitia sua obstinatus perseuerat, etiam
in hac vita inferni pœnas incipit experi-
ri; quia, sicut ait S. Gregorius, pœna tem-
poralis cum conuertit cor afflicti, finis
est peccati transacti: sed si non conuer-
tit, signum solum est & principium illius
quod sequetur, nimirum cruciatus & tor-
menti æterni.

Hæc pœna, sicut & obstinatio & impe-
nitentia peccatoris, in æternum durat.
quemadmodum enim peccata eius finē
nesciunt; ita quoque pœnas perpetuō
durare necesse est, quod terribile ac for-
midabile videtur. Nam quis hominum
adeo crudelis, immitis, & vltionis cupi-
dus, qui suspensum inimicum suum se-
miuiuum in patibulo relinquat integro
die, ne dicam mense vel anno? quis non
placaretur tali tormento? quis non illius
misereretur? quis non ira & furore depo-
sito, omnem ei offensam quantumcum-
que

LIBER PRIMVS. 69

que grauiſſimam condonaret, tantis ex-
atiatus ſupplicijs? Deus tamen horribi-
liſſimos damnatorum in morte perpe-
tua viuentium cruciatus cernens, nec irā
mitigat, nec minuit, aut alleuiat pœnam.
Ergone crudelis dicendus? minimè: iu-
ſtiſſimus enim iudex eſt, & ſapiētiſſimus
medicus, qui punit noxam quoad durat,
& inurit vulnera quamdiu foētent, & ſa-
niem ac putredinem reddunt.

CAPVT XI.

DE REMEDIIS QV AE IMPII
arripiunt ad effugiendam tribu-
lationem.

CAuſam, ob quam impij nullum
ex tribulationibus fructum perci-
pian, nec conſolationem aut leuamen
aliquod in iſſdem ſentiant, hanc eſſe exi-
ſtimo, quòd nimirum nec debitis in lo-
cis ſolatum quærant, neque infirmitatē
ſuam medico detegentes, veram malorū
ſuorum venam aperiant. Libenter qui-
dem ab ærumnis & moleſtijs liberari vel-
lent, & euadendi media excogitant, ſed
quibus ad effugiendum medijs vtuntur,
iſſdem quaſi laqueis quibuſdam irretiti,
multiplicant noxas, & duplicant pœnas:
angu-